

Հ Ա Ն Գ Ի Ս Տ

Տ. ՀՈՎՍԵՓ ԵՊԻՍԿՈՊՈՍ ԿԱՐԱՊԵՏՅԱՆԻ

Կոստանդնուպոլսում մահկանացուն կնքեց Մայր Աթոռի միաբան Տ. Հովսեփ եպիսկոպոս Կարապետյանը:

Հայաստանյայց Առաքելական Եկեղեցին, Տ. Հովսեփ եպիսկոպոսի անակնկալ մահով կորցնում է իր արժանավոր սպասավորներին մեկին:

Հանգուցյալ սրբազանը սիրված ու ճանաչված անձնավորություն էր մեր հոգևորականության շարքերում, իր հեզահամբույր բնավորությամբ, փռանդամ գործունեությամբ, լուրի ու համեստ աշխատանքով:

Տ. Հովսեփ եպիսկոպոսը մանուկ հասակից ձգտում է ունեցել հոգևորական դասնալուս նրա հոգու պայծառ իղձն է եղել ծառայել Հայաստանյայց Առաքելական Եկեղեցուն և հայ ժողովրդին, և նա հոժարակամ նվիրվել է Եկեղեցու սպասավորության սուրբ գործին: Հանգուցյալը մինչև իր կյանքի վերջին շունչը հավատարիմ է մնացել իր հոգևորականի կոչմանը, սիրով ու անտրտուն կրելով Քրիստոսի քաղցր լուծը իր ուսերին, և անձանձրույթ ծառայել է ամեն տեղ:

Հանգուցյալը եղել է բանին կենաց ճշմարիտ քարոզիչ: Նրա ազգաշունչ ու հոգեշունչ քարոզները դաստիարակչական մեծ դեր են կատարել իր հոտի հալոսնասիրական ու եկեղեցական զգացմունքները վառ ու պայծառ պահելու հարցում:



Հանգուցյալ սրբազանը երկար ժամանակ զբաղվել է նաև ուսուցչությամբ Կոստանդնուպոլսում: Հայ Սփյուռքի զանազան թեմերում նա պաշտոնավարել է շուրջ 30 տարի, ծառայասեր ոգով և օգտակար արդյունքներով: Նրա բովանդակ ծառայության կետ նպատակին է եղել օգտակար լինել իր ժողովրդին, իր Հայրենիքին:

Նրա առաջնություն կան ու վարչական ծառայությունները և պաշտոնավարությունը հաճախ անցել են դժնդակ ու բարդ պայմաններում, բայց նա հաղթահարել է իր ճանապարհի վրա ընկած բոլոր դժվարություններին համբերությամբ,

սիրով, կորովի, օգտակար, անշահախնդիր: Հանգուցյալը վաղուց էր, որ տառապում էր անբուժելի հիվանդությամբ: Տքնաջան աշխատանքն ու հովվական թափառիկ կյանքը շատ շուտ քայքայել էին նրա առողջությունը, և նա հիվանդության ճիրաններում փակեց իր աչքերը, երբ Եկեղեցին ու ազգը կարիքն ունեին դեռևս նրա օգտակար ծառայություններին:

Հանդիստ նրա ցավատանջ ոսկորներին:



Վեհափառի հրամանով Մայր Տաճարում և բոլոր թեմերում մատուցվեց հոգեհանգրստյան հատուկ պատարագ, ի հիշատակ նորոգ հանգուցյալ Տ. Հովսեփ եպիսկոպոսի:

